

Այդպիսով Եւրասիական բարի դիտաւորութիւններն այն հետեւեանքը կունենան, որ առանց այն էլ նախանձելի կեանք չունեցող զիւղական հոգեւորականներին զուր տեղը կըսկսեն մեղադրել և յանդիմանել նաև աւելորդ և անտեղի դանդաշների համար, օր մի տեղ ուսուցչին կը հեռացնեն հարեցութեան պատճառով, իսկ նա կը յայտարարի, որ քահանայի դաւաճանութիւնն է նրան հեռացնելու պատճառը: Մի և նոյն ժամանակ պէտք է ի նկատի ունենալ, որ վերահսկողութեան իրաւունքը տեղիք կըտայ քաղմաթիւ գեղծումներ և իբր անձնական հաշիւներ մտքեւում միջոց կծառայի»:

Գերատոնէական պարտաւորութիւններն անթերի կատարելը, ինչպէս և պահեցողութիւնը, պէտք է հիմնուած լինին համոզմունքի վրայ՝ պէտք է ի ներքուստ բխեն և ոչ թէ արդիւնք և հետեւեանք լինին հսկողութեան և շրջաբերականների: Համոզեցէք, հասկացրէք պահեցողութեան հիմքն և նշանակութիւնը և հաւատաւորացած եղէք որ մարդիկ կըզգուին կենդանիների միտն իբրև կերակուր գործածելուց:

ԿԱԹՈՒԼԻԿ ԵԿԵՂԵՑԻ

Գերմանական կայսեր քաղաքականութիւնը կրօննէլ իրեն նպատակների գործիք դարձնելու՝ վաղուց յայտնի է նրա կատարած մի քանի ճանապարհորդութիւններից դէպի Իտալիա և Նրուսսիայէ: Վճռելով օգուտ քաղել այն բոլոր տարրերից և դէպքերից, որոնք կարող են օգտակար լինել գերմանական դուրութեան, կայսրը՝ բողոքական երկիրների կայսրը, միշտ էլ աշխատել է պաշտպան հանդիսանալ Արևելքում կաթոլիկութեան և թուլացնել Ֆրանսիայի հեղինակութիւնն ու վարկը կաթոլիկութիւն պաշտպանելու գործում: Նորութիւն չէ այն երևոյթը, որ Եւրոպական իշխանութիւններն երբեք առիթը ձեռքից չեն բաց թողել եկեղեցին իրենց քաղաքական նպատակներին ծառայեցնելու: Ֆրանսիան է, որ կռիւ է սկսել կաթոլիկ միաբանութիւնների դէմ և հետզհետէ զրկում է նրանց կրթական գործունէութեան մէջ ունեցած ազդեցիկ մասնակցութիւնից: Գերմանիան յատկապէս այս դէպքից էլ օգուտ քաղել կամենալով, անցեալ ամսին ընդունեց մի օրէնք, որով թոյլատրեց եզուիստների մուտքը Գերմանիա: Անշուշտ Գերմանիայի այս քայլը մեծ նշանակութիւն կունենայ ջերմեռանդ կաթոլիկների համար և այ-

սուհետե նրանք աւելի գերմանիայի կողմ կը կտկոնն դարձնել իրենց հայեացքները, քան թէ դէպի Ֆրանսիան, որը շատովեց յայտնել, որ անվտուր է պահում իւր քաղաքականութիւնը Ֆրանսիայից դուրս եղած կաթոլիկներէն վերաբերութեամբ և խոստովանեց, որ արեւելքում Ֆրանսիական ազդեցութիւնը տարածելու գործում կաթոլիկ միսսիոներն և դպրոցներն ահադին դեր են կատարել։ Ախոս որ եկեղեցին էլ սկսել է աւելի շուտ քաղաքական նպատակներէն ծառայել, քան Աւետարանի ճշմարիտ սկզբունքներին։

— Ֆրանսիական կառավարութեան հաճակաթուղիական ուղղութիւնն սրտայայտուեց վերջերս և մի անտուր կարգադրութեամբ. դատարաններից հանեցին Փրիչի խաչելութեան սրտկերն ու խաչը։

Այս առթիւ կարգինալ Ռիշարն հետեւեալ շրջաբերական նամակ է ուղարկել ըոլոր քահանաներին. —

Պարոն Կիւրէ (քահանայ). տխուր զգացմունքով լցուեց մեր սիրան, երբ Փրիչի սուրբ յարութեան տօնին իմացանք, որ դատարաններից արտաքսել են խաչելութեան պատկերը։

Խաչը քրիստոնէական նշան է (հանգանակն է)։

Նրկար դարերի ընթացքում քաղաքակիրթ ազգերը խոնարհուած էին նրա առաջ՝ որպէս կրօնական ազգային նշանի առաջ։

Ֆրանսիան քրիստոնէայ—կաթոլիկ երկիր է։ Նա ցնցուած է. նա զգում է անյաղթելի մի կարիք զիմելու՝ Աստուծոն և ապացուցանելու իրեն, որ դեռ նրա մէջ չի մեռել հաւատը։

Լինում են հանդիսաւոր վայրկեաններ, երբ քրիստոնէի խիղճը վրդովուած է՝ իր համոզմունքներն ու ամենալաւ յոյսերն անպատուած նկատելով։ Այդպիսի դէպքերում պէտք է հանգըտացնել խիղճն և արիանալ։ Մարդու ըրպէտպէս վրդովուած միտքը հանգստութիւն է դնում յիշելով, որ Աստուած միշտ ներում է մեղքերը, պարգևում եւանդ և խաղաղութիւն՝ դանազան հակասական խնդիրներ լուծելու գործում։

Ողորմածութեան աղօթքում, որն ուղղում ենք երկինք ներողութեան և դթութեան համար դէպի այն անձինք, որոնք վիրաւորել են ամենասուրբ զգացմունքներ, աղաչում ենք դարձնել մտրուած սրտերը դէպի ճշմարտութեան ուղին, մենք պարտաւոր ենք արձագանք աալ քրիստոնէական և Ֆրանսիական հոգիներին ներկայումս և նրանց համար որոշել հէնց այդ տեսակ աղօթքներ։

Այս պատճառաւ մօտակայ Կիւրակէ օրը ըոլոր եկեղեցիներ-

բաւժ կարդալ Miserere աղօթքը Tantum ergo-ից առաջ և այդ աղօթքից յետոյ երկուս կրկնել «Cor. Jesu socraissimum miserere nobis և Cor. Moriae Immaculatum. Ընդունեցէ՛ք յարդելի տէր հայր հաւատարի խորին անձնուիրութեանս Տեառն մերուս:

Մենք չենք խօսում կատարուած տխուր դէպքի մասին, որն աւելի մեծ ցաւ պէտք է ազդի քրիստոնէի սրտին, եթէ այդ քայլն ուղղուած է հաւատոյ և ոչ միայն պատկերների դէմ, այլ մեզ հիացնում է կարդինալի պարզ և անպաճոյճ լեզուն և իշխանական յոխորտանքից, հակաքրիստոնէական՝ ոստիկանական դարձումներից ազատ շրջաբերականը: Խորին կերպով հաւատում ենք, որ երբ ու կարդինալի և նրա քահանայից գործն էլ նոյնքան աւետարանական կը դառնայ, Ֆրանսիայում ուրիշ տեսակ վարմունք ու երևոյթներ կը տեսնենք:

— Մարտի 18-ին, երբ կարդինալների խումբը շնորհաւորում էր պապին նրա անուանակոչութեան ասնի առթիւ, Պիոս պապը ճառ արտասանեց, որի մէջ շեշտեց Ֆրանսիայում տեղի ունեցող տխուր դէպքերի վրայ. շեշտեց միաբանութիւնների վերաբերեալ վերջին օրէնքը, մինչդեռ այդ միաբանութիւնները եկեղեցու փառքն են եղել և հայրենիքի պարծանք յիշեց այդ օրէնքի վատ հետեանքներն ու ասաց հետեւեալը. — Մենք ողբում և խորապէս դատապարտում ենք այդ խտուրթիւնը, որն էականապէս հակառակ է քրիստոնէական սրտին: Երկրի հիմնական օրէնքներին, կաթոլիկ եկեղեցու անխզելի իրաւանց և նոյնիոկ քաղաքաիրթութեան կանոններին, որն արդէւում է ընկճել խաղաղ քաղաքացիներին՝ որոնք քրիստոնէական դատարարակութեան նուիրուած, երբէք չեն խուսափում կրելու այն բոլոր պարտաւորութիւնները, որպիսիք կրում են և ուրիշները: Պապի այս խօսքերը, որոնք իրենց վճռական եղանակով չափազանց տարբերում են Վեոն XIII. պապի չափաւոր ճառերից, մեծ ազաւորութիւն թողին նախաջարութեան պաշտպան Ֆրանսիական մամուլի վրայ և նրանց մէջ լոյս տեսան յօգուածներ, որոնցով մեղադրում էին պապին և առաջարկում էին խզել պապական դահի հետ ունեցած յարաբերութիւնները, որովհետեւ նա միջամտել է Ֆրանսիական ներքին գործերին: Սակայն լրագրողներում լոյս տեսած այն լուրերը, թէ Վատիկանի Ֆրանսիական դեսպանը եռանդազին բողոքել է պապի ճառի դէմ, չի արդարանում և Osserratore Romano թերթն անստոյգ է համարում այդ:

Ներկայ պապը Լևոն XIII-ի սկսածներն շարունակող է ուղղում հանդիսանալ ի թիւս այլոց՝ նաև Բիբլիական գիտութեան գործում: Լևոն XIII-ն այդ նպատակաւ յատուկ Բիբլիական մասնաժողով էր հաստատել, որի ներկայացուցիչներն ներկայ պապն ընդունեց փետրուարի 26-ին և մատնանիշ արաւ մի նոր խնդրի վրայ՝ որ նրանք պէտք է աշխատեն պատրաստել կաթոլիկ դպրոցների համար սուրբ գրքի ուսուցիչներ:

ԱՆԴԼԻԱԿԱՆ ԲՈՂՈՔԱԿԱՆ ԵԿԵՂԵՑԻ

Այս տարի լրացաւ «Բրիտանական և արտասահմանեան Բիբլիական նշանաւոր ընկերութեան 100ամեակը (1804 թ մարտի 7-ին հիմնուած)»։ Լոնդոնում Մարտի 4-ից մինչև 9ը տօնուում էր «Բիբլեական շաբաթը»՝ յօբելէական տօների մի երկար շարք էր այդ՝ յատուկ պաշտամունքով, որը տեղի ունեցաւ Թագակիր անձերի և նրանց ընտանիքի անդամների ներկայութեամբ՝ զանա-նազան ժողովներով ու ցուցարար համախմբումներով ի պատիւ այդ ընկերութեան: Այդ համախմբումների ժամանակ նշանաւոր էր մանկական ժողովը, որին ներկայ էին 12 հազար մանուկներ: Համարեա ամբողջ բողոքական աշխարհը, որ հանդիսանում է «Բիբլեական» քրիստոնէութիւն, միացաւ այդ ընկերութեան հարիւրամեակի տօնախմբութեան: Ընկերութեան, ոչն իւր գոյութեան ընթացքում ահագին ջանք է գործ դրել Աստուածաշունչը տարածելու և Բիբլիական միւս ընկերութիւններին իբրև հիմունք ծառայել: Մարտի 6-ը որոշուած էր տօնել բողոքական բոլոր եկեղեցիներում իբրև «Բիբլիական կիւրակէ»: Կաթոլիկներն իհարկէ այս հանդէսներից հեռու էին պահում իրենց և նոյն իսկ անգլիացիների մէջն էլ կասկածներ էին առաջ գալիս եկեղեցու պաշտօնական մասնակցութեան վերաբերութեամբ: Մատնանիշ էին լինում այն հանգամանքի վրայ, որ առանց մեկնութիւնների և ծանօթութիւնների իւրաքանչիւր ազգի մայրենի լեզուով Աստուածաշունչ տարածելու գործին նուիրուած ընկերութիւնը—իւր այդ նպատակն իրագործում է բողոքական ոգով: Որ նրա ներկայացուցիչները (colporteurs), հակառակ իրենց տրուած հրահանգի՝ Աստուածաշունչը տարածում են երբեմն հակաեկեղեցական քարոզներով, մանաւանդ կաթոլիկ երկիրնե-րում, «քրիստոնէաներին աւետարանական դարձնելով» և նրանց եկեղեցուց անջատելով: Այս բանով էին բացատրում կաթոլիկ